

✓

Suwoss passiert aa

Es soogt dä Weiglshans zur Fraa:  
"Ann neua Fiat braung mer aa,  
Konn nimmä länger wartn; -  
Schau - fährt ers neua sunntogs fort  
Mit Fraa und Jungs vä Ort ze Ort,  
Säng manchmol auf die Kartn.

Doch druntn korz voä Weschefeld  
Des Auto, stur - voselbe hält,  
Herrschaft, a neus und schpinna!  
Den Deckl auf, die Schlüssl her  
Dä Hans fühlt sich so recht Montör:  
"Des wärrn me gleich itz finna!"

Er prüft und prüft, erschraubt und schraubt,  
Die Fraa sieht zu und wos behaupt,  
Dä Jung muß öftä startn,  
Doch alles startn hot kann Wert,  
Dä neua Wong einfoch nit fährt,  
Neugieriga a wartn.

Den Hans werd des scho ball ze dumm,  
Die Händ werrn schwarz, die Fingä krumm,  
Des senn ganz dumma Sachn,  
Du Lauä lengst - und wir donn schiem,  
Du, Fraa dooher, und wir dohiim,  
Der Jung muß plötzlich lachn,

Und schreit a gleichsu lustig naus:  
Hee, Votä, hee, ich hobs scho raus,  
Du bist halt a nit g`scheitä!  
Du wollst dähamm doch tankn vull,  
De Manometä schieht auf Null,  
Dei Karrn ko freilich nit weitä!

